

姜先生全集



姜先生全集



葦間詩集卷三

全集二十七

邑後學

馮保燮

重編

王定祥

新泰縣果園莊見汝臯舍姪題壁次韻

雲際依微辨翠巒
山程六月曉猶寒
家鄉路好夢難
續風景愁多吟未安
柿葉村深藏酒塢
豆花棚矮繫
征鞍感君舊句仍畱壁
老眼摩挲取次看

宿古北口見王司成感舊題壁之作拭淚次韻

駐馬塵沙古戰場
黃茅野店酒槽香
棣華舊恨畱東
壁莪蓼新悲繫北堂
世路漂沉還土梗
浮生聚散只

滄桑三年前憶臨歧贈吟向西風總斷腸馮氏刊本
余奔喪南還時先生

贈別二章
最爲悽愴

贈陸翼王徵君陸就徵召試前一夕夢師黃陶庵手書碧血二字於其掌中試

果不遇

入洛知何歲風塵且未閒夢中猶碧血歸計失青山
學禮淮陽後歌詩易水閒春風兒女態莫苦鬢毛斑

送陸徵君南還

楊柳綰新愁粼粼映御溝驕嘶紫驪馬暖卸黑貂裘
岱雪陰常見江雲晚未收歸與吾道在爛漫及春遊

初至京書謝總憲公二十六韻

一德明良契同時弼亮諧中朝漢副相北極帝台階
劍珮分行列夔龍接跡偕朱衣雙告引白棒對籠街
事業青冥上驅馳虎豹儕邊籌歸擘畫廟算及安排
董卓臍先沸防風骨豈埋皇心思道泰人望屬公

佳預喜鳴岡鳳何憂當道豺風霜侵眼額冰雪瑩心
懷閒丈橫經裘登車展綬綱司臺仍講席

宋制臺丞無與講席

者退食卽高齋冊府班兼領丹鉛部必差轉櫺初月
色拂沼舊根荄坐有三千士屏無十二釵多憐花並
雪頻送酒如淮賤客嫌書簏長貧難食鮭據梧全似
槁循帶怯成柴不爾終捐棄誰云任刮揩雄文俄漢

殿禰表及山厓乍遠颺颺迹還驚土木骸迎門慚納
履踣步畏逢輦連車曰輦長安道中最苦此物五技吾何敢三長力
恐乖少年紛纍若獨立久塵霾春轉皇州路陰移淥
水涯春風披拂近鳥語亦喈喈

辛酉十二月初至京投宿慈仁寺袁君寓舍集

杜贈之

更欲投何處空房客寓居他鄉惟表弟高枕乃吾廬
親故行衰少乾坤欲晏如霜天到宮闕臨眺獨踟躕
三月九日徐健庵先生招飲馮園看海棠分得

激字

結軫睇青郊芳草萋已碧主人幸休沐命侶恣遊屐
眇山來遠峯遵路越廣陌藉草興不淺得意忘所歷
遺構絕人區荒臺境彌寂旖旎被徑花坡陀垂藤石
殘紅自開落流光澹將夕壺觴蔭華蕤禽鳥拂瑤席
高論何抑揚杯行晚更劇誰家樹出垣離離紛秀色
回策問樵翁果與心賞適復小憩潘氏園倏忽車騎散羣鳥
整歸翮徙倚獨何事鄙夫多感激

王明府赴任天河

聖世無遺照遐荒慎選擇夙駕儼將行軫此萬里客
月落山館靜瀧流川路窄迴首新戰場馬嘶少行跡

冥冥鷓鴣啼靡靡春草碧惻隱君子念喟焉傷日夕
乘槎事渺茫沿洞壑豈終極誰知問津者天路在咫尺

送陸徐溝

陸以中書
科改授

鳳池非不羨獨向雁門棲別酒隨沙岸嚴裝出御堤
縣城古塞下官舍白雲低假日鳴琴樂聞聲慰解攜

時相壽讌詩

公望先朝著疇咨宿德傾誰能扶玉鉉帝自降金精
顥露中宵澈銀河永夜明芙蕖來泛沼芍藥爲調羹
縹緲方平駕悠揚子晉笙吹噓燕谷轉契合泰階平
士有從游舊才非以彙征風塵慙樹立歲月去崢嶸

刻鏤心猶在謨謀望不輕還隨赤松子長此爲蒼生

送方田伯還桐城覲母

塵世復何許風景忽以異空餘野史亭寂寞西臺記
合浦有歸舟鹿門多逸事金風動芳園萱草晚逾翠
薄言具尊醴賓朋四面至語往汔無歡撫今良足慰
君從客金華容顏何憔悴歸夢落吳帆一棹江波駛
懷中洞庭橘盤下蓴羹豉行哉空復情嗟君有母遺
張京兆席上同諸公看菊醉歸有述

鏦鏦街鼓促更籌別館銀燈勝事幽花似重陽多秀
色客來江左盡名流風期最憶張京兆款段空歸馬

少游是夕同會者五人
唯子策駕而歸

獨立蒼茫成醉詠雁聲嘹唳

過城頭

寄劉廣文

日下初回郭泰舟春前花鳥憶同遊
霖砧歷歷時將暮江樹迢迢人自愁
雙鳳闕深天路迴九龍山近客帆收
喜君隨牒仍鄉邑稽古功成尙黑頭

感懷

文章用盡終無力猶向滄波一問津
北闕新除搜粟尉西山遙貢采薇人
林宗有道身仍隱元叔無官相豈貧
物色虛勞明主意早知麋鹿性難馴

和懋勤殿讀書代

青蔥琪樹起秋風
聖主垂衣坐殿中
水出靈圖浮紫極
山回羣玉照璇宮
辟魚香和爐煙碧
研露硃分蠟炬紅
自是端居符道要
不勞遠跡拜崆峒

九日後駕至溫泉初冬暫還宮恭紀和韻代

東巡景色正微和
羽騎分行候曉過
欲向瑤池侍王母
頓教玉液寫天河
去時路轉黃花戍
歸日春隨赤鴈歌
知是太常頒玉歷
受釐深殿碧嵯峨

壽讌詩

緹幕寒吹律再更
芬藍瑞靄拂重城
聖人有道三辰

會相無爲百度貞自是昌符鍾間氣早知維嶽降
元精袁安憂國多危論李固封章重老成故事獨持
臺閣體風流偏稱履綦聲雪花素映梁園席梅氣紛
投傳野羹北海尊罍當永夜平津邸第集諸生傳來
內醞琉璃滿照出華枝菡萏明馬帳歌飄鶯語滑羊
爐燄暖獸煙輕身臨碣石觀滄海坐向瑤臺拜玉京
春色依微歸大樹神峰縹緲出東瀛寄言山上紫芝
客須識溪邊黃石情

送人還里

此去趨庭却羨君我猶京國歎離羣豈無慷慨安時

策漫學俳優買笑文
易酒天寒人易醉
燕歌日落調難聞
他時若憶同遊侶
寂寞還知有子雲

長安雜感四首

空庭老樹太峻嶒
雀啄枯枝落斷冰
恰伴孤眠城角鼓
慣縈離恨紙牕燈
閉門中散無題鳳
知己虞翻有弔蠅
欲就君平簾下卜
五銖輕薄本難憑

玉泉新溜滴清渠
繞遍春城積雪餘
風賦不愁塵勃鬱
柳街轉見影蕭疏
肯畱東閣觀奇士
只擬南山歸敝廬
故舊原無山吏部
何須重作絕交書

不成終日竟安眠
底事喧喧道路傳
池內蛟龍爭得

水宅中雞犬也升天吾生豈合匏瓜繫世路何妨社
櫟全隨意江湖堪把釣肯將憔悴供衰年

一院春歸無覓處綠蘿陰外尙東風酒臨衰鬢星星
白花背愁顏日日紅舊好幾家畱刺字驚心是處怯
杯弓尋常菽水營難就捧檄何因到夢中

翁郡丞新任黃州賦詩四章畱別京中故人因

有此贈

繡軸朱軒出上京分符原是舊邾城江淹別賦人偏
遠鮑照遺居草漸生按部雲山通夢澤將家風日近
清明指揮多暇因懷古赤壁江流到郡聲

題喬石林舍人柘谿歸隱圖其先侍御公別業
清谿足洞沿數里見荒村漁舟隱浦出歸鳥向山翻
蹢躅一老翁荷鋤來灌園欲問沮溺心叩之無一言
夕陽頽遠照微映松下門架深有結構倚危無墉垣
依然懷皇古著書亦不煩每尋巢父說或從柱下論
楚國有遺佚出身蒙漢恩節苦名益著使者日來喧
因之成感激不復圖久存老父對之歎彼以香自焚
冥鴻去不息所貴雲霄鷺今我披此圖冷然澄心魂
如聞漱清風瀟灑疏竹根

題徐電發楓江把釣圖

秋氣入蘆葦可以清煩襟況子復遠客一夢吳江深
書卷隨釣竿鼓枻時時吟微風樹杪起落日波上陰
天邊兩鷗鷺分飛下碧潯鷺立如有待鷗泛本無心
欣感由所感得失豈自今靜言悟物理寄之空中音

上李閣學

露華清切映瑤池桂苑繁香又此時玉漏頻傾輪對
久金鈴不動內宣遲朝回賓客開宏館宴罷笙簫出
馬帷更道蓬萊多著述寶書天上憶曾窺

茗客陸君索書賦此贈行

生平過半百無一稱意事惟愛陸君筆宛轉識人意

骨體復陡健亦似耽軟媚萬豪齊一峯所向無不利
嗟予學臨池好尙與時異尋妍雙鉤訣拘屈五指勢
畫牀被俄穿書空眼時閉塗抹三十載取笑成餓隸
因此迂拙名兼及所書字子瞻愛諸葛紙重筆益貴
以予惡札行得不爲君累阜帽土炕邊相見惜憔悴
每念曩昔遊語終一揮涕此別來何時慎勿嫌小吏
尙及江南春孤舟澹搖曳一書連數縑縈結春蚓細
故態眞可憎少學老肯棄爲寄高陽徒尙可懸酒肆

題畫卷

落葉山下路四野絕行侶惟見天際帆迢迢向何許